



I'n ariv ler pour rekonstrir nou Parti

asyon politik dan nou pei. Zot a rapel dan Kongre Ekstraordiner ki ti fer le 8 Avril 2017, Kongre ti fer rezolasyon pour ki Parti i etabli en komite ki ava travay lo bann rekonmandasyon pour moderniz nou Parti pour li byen re-etabli son lekòr dan konzonktir politik ki nou ladan.

Depi Out 2017, apre son eleksyon, Prezidan Parti Msyè Meriton, in diriz lo Mahe, Praslin e La Digue pour koz avek nou bann dimoun. I'n eksplik zot sitiyasyon ki pe arive dan nou pei, eklersi bann dout, ki zot ti annan, donn zot sans eksprim zot lo nou Parti e ansanm nou'n fer refleksyon lo son lavenir. Plizyer rankont ti osi ganny organize avek reprezantan bann distrik par diferan group e kategori. Tou sa bann dialog ki nou'n fer, ti fran e nou'n kapab

diskite e delibere lo nou Parti e sa pe dekoul lo sa Kongre. Anmenmtan ki sa bann konsiltasyon ti pe ganny fer, Komite Santral lo son kote ti osi pe fer refleksyon serye lo son Parti e son lavenir. De lazournen entans ti ganny organize kot bann manm ti ganny sans flesir lo lavenir nou Parti e sa ti en legzersis profon e fran kot nou ti deliber lo relevans nou Parti dan sa konteks, bann valer, son prensip e vizyon, get bann keksoz ki pe afekte li e rod bann stratezi ki nou fer nou bouz devan, flesir lo ki nou Parti i reprezante ozordi dan sa nouvo konzonktir politik. Son febles, son lafors, son loportinite ki i annan pour rekonstrir e reorganiz nou Parti. Apre sa, bann lekip travay ti ganny formen pour travay lo bann diferan tenm ki ti form par nou diskisyon. Sa

ki'n sorti for dan travay ki nou'n fer se « letan in arive pour nou re-engineer nou Parti. » Lafen lannen pase nou ti mobiliz bann manm ki pa ti pe fer li pour pey zot 'membership' pour eleksyon lo nivo distrik. Sa legzersis ti enportan pour nou kapab konmans sa proses demokratik avek en Komite Brans e reprezantan nou bann lorganizasyon Madanm, Veteran e Lazenès ki'n ganny elekte dan tou distrik. 54 legzistans, 40 an opouvwar, 50 an i plis ki en demi deseni. Nou koman en Parti noule al pli lwen. Nou en parti vivan, for, relevan, fyer, modern e en Parti ki la pour pep Seselwa. Nou kapab akonplir plis ankor dan lavenir. Nou bezwen sanze, nou bezwen modernize, nou bezwen avanse, nou bezwen repare kot i fodre e in ariv ler pour nou rekonstrir. » ■

“Nou Kongre i spesyal. En Kongre ki diferan ek lezot Kongre ki'n abitye fer. En Kongre kot nou pou flesir ansanm lo lavenir nou Parti. Mon remark pou santre lo parkour ki nou'n fer depi dernyen eleksyon pour nou ariv kot kou ete ozordi. Nou'n pas atraver bokou dan sa de dernyen lannen. Sa ki enportan se ki nou'n reste ferm, nou'n tenir e nou'n pa'n bes lebra. Nou bann MNAs malgre an minorite i kontinyen debat for dan Lasanble. Nou Komite Brans dan distrik i kontinyen travay pour reste konnekte avek nou pep. Komite Santral in fer bokou refleksyon lo siti-